

Պ Ա Շ Տ Օ Ն Ա Կ Ա Ն Ք

Բ2. 3 Յուլիս.- Երեկոյեան ժամը 4-ին, Ամերիկայէն ուխտաւորներ խումբով այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Կիր. 9 Յուլիս.- Հիւսիսային Ամերիկայի Արեւմտեան Թեմի Քրիստոնէական դաստիարակութեան բաժանմունքի կազմակերպութեամբ, Աստուածաշնչական սերտողութեան խումբէն 50 ուխտաւորներ այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Գ2. 11 Յուլիս.- Երեկոյեան ժամը 4-ին, Գանատահայ դերասանուհի Տիկ. Արսիւնէ Խանճեան այցելեց Պատրիարքարան եւ հանդիպում ունեցաւ Ամենապատիւ Պատրիարք Սրբազան Հօր հետ:

Բ2. 3 Օգոստոս.- Առաւօտեան ժամը 10:00-ին, Երուսաղէմի Հապէշ եկեղեցւոյ Եպիսկոպոս՝ Գերաշնորհ Տ. Ապա Ամբակոմ այցելեց Հայոց Պատրիարքարան եւ հանդիպում ունեցաւ Նորին Ամենապատուութիւն՝ Տ. Նուրհան Արք. Մանուկեան Պատրիարք Սրբազան Հօր հետ:

Ուր. 4 Օգոստոս.- Երեկոյեան ժամը 4-ին, Ամերիկայի Միացեալ Նահանգներէն Քոնկրէսման՝ Պրն. Ֆրանք Փալոն, այցելեց Պատրիարքարան եւ հանդիպում ունեցաւ Սուրբ Աթոռոյս Գահակալ՝ Ամենապատիւ Պատրիարք Սրբազան Հօր հետ:

Բ2. 7 Օգոստոս.- Երեկոյեան ժամը 4-ին, Նիւ Եորքէն Սրբոց Նահատակաց եկեղեցւոյ հոգեւոր հովիւ՝ Արժանապատիւ Տ. Աբրահամ քահանայ Մալխասեան ուխտաւորներու փոքրիկ խումբով այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Ճբ. 12 Օգոստոս.- Ամերիկայի Մէսսէշուսէթս նահանգի Ֆրէյմինկիէմ քաղաքի Սրբոց Թարգմանչաց եկեղեցւոյ հոգեւոր հովիւ՝ Արժանապատիւ Տ. Գրիգոր քահանայ Սապունճեան, ընկերակցութեամբ Նիւ Եորքի Սուրբ Ներսէս Ընծայարանի տեսուչ՝ Արժանապատիւ Տ. Մարտիրոս քահանայ Չեւեանի,

իր ծխականներով այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Գ2. 15 Օգոստոս.- Առաւօտեան ժամը 10-ին, Հրեայ Բարբի Yehuda Breitkept այցելեց Պատրիարքարան եւ հանդիպում ունեցաւ Ամենապատիւ Պատրիարք Սրբազան Հօր հետ:

Գ2. 16 Օգոստոս.- Առաւօտեան ժամը 10-ին, Պատրիարքարան եկաւ եւ Ամենապատիւ Պատրիարք Սրբազան Հօր հետ հանդիպում ունեցաւ Պապական Նուիրակը:

Գ2. 23 Օգոստոս.- Հին Բաղաքի նոր ոստիկանապետ՝ Պրն. Խայիմ Շմուէլի պաշտօնի ստանձնման արարողութեան ներկայ գտնուեցան Սուրբ Աթոռոյս Լուսարարապետ՝ Գերաշնորհ Տ. Մեւան Արքեպիսկոպոս Ղարիպեան եւ դիւանապետ՝ Հոգեշնորհ Տ. Կորիւն վարդապետ Բաղդասարեան:

Կիր. 27 Օգոստոս.- Բեթղեհէմի տարածքի նոր ոստիկանապետ՝ Պրն. Մոշէ Ավիի պաշտօնի ստանձնման արարողութեան ներկայ գտնուեցաւ Սուրբ Աթոռոյս դիւանապետ՝ Հոգեշնորհ Տ. Կորիւն վարդապետ Բաղդասարեան:

Գ2. 29 Օգոստոս.- Ամերիկայի Ընդհանուր հիւպատոսարանի արարողակարգի պատասխանատու՝ Պրն. Անտրի Տամմ պաշտօնավարութեան շրջանը աւարտելուն առիթով այցելեց Պատրիարքարան եւ հանդիպում ունեցաւ Ամենապատիւ Պատրիարք Սրբազան Հօր հետ:

Նոյն օրը երեկոյեան, Պատրիարքարան այցելեց եւ Ամենապատիւ Պատրիարք Սրբազան Հօր հետ հանդիպում ունեցաւ հարաւ-արեւմտեան Ֆլորիտայի եպիսկոպոս՝ Գերաշնորհ Տ. Փիթըր Իյթըն:

Գ2. 30 Օգոստոս.- Առաւօտեան ժամը 10-ին, Սուրբ Երկրի Քիւսթոտ՝ Հոգեշնորհ Տ. Ֆրանչեսկօ Փաթօն, ընկերակցութեամբ իր փոխանորդ՝ Տ. Տոպրոմիր Ճասթալի եւ Տ. Աթանասի, այցելեցին Հայոց Պատրիարքարան եւ հանդիպում ունե-

ցան Ամենապատիւ Ս. Նուրիան Արք. Մանուկեան Պատրիարք Սրբազան Հօր հետ: Հանդիպման ընթացքին քննարկուեցան Սուրբ Տեղեաց մէջ կատարուող նորոգութեանց վերաբերեալ հարցեր:

Բշ. 31 Օգոստոս.- Իսրայէլի Արտաքին Գործոց Նախարարութեան Կրօնից Վարչութեան պետ՝ Տիկ. Ռեկել Շարոն, այցելեց Պատրիարքարան եւ հանդիպում ունեցաւ Ամեն. Պատրիարք Սրբազան Հօր հետ:

Բշ. 4 Սեպտեմբեր.- Առաւօտեան ժամը 11-ին, Երուսաղէմ հին քաղաքի նորանշանակ Ոստիկանապետ՝ Տիար Խաիմ Շմուէլ, իր նոր պաշտօնը ստանձնելուն առիթով այցելեց Պատրիարքարան եւ հանդիպում ունեցաւ Սուրբ Աթոռոյս Գահակալ՝ Ամենապատիւ Ս. Նուրիան Արք. Մանուկեան Պատրիարք Սրբազան Հօր հետ:

Նոյն օրը երեկոյեան ժամը 6-ին, Բերթեհէմի նորանշանակ զինուորապետ՝ Տիար Մոշէ Ավի ընկերակցութեամբ նախկին զինուորապետ՝ Տիար Տանի Բոհէնի, քրիստոնէայ համայնքներու պատասխանատու՝ Տիար Բֆիլ Շլոմոյի եւ Երուսաղէմի Ներքին Գործոց Նախարարութեան քրիստոնէայ համայնքներու պատասխանատու Տիար՝ Սէզար Մարժիէի, նոր պաշտօնը ստանձնելուն առիթով այցելեցին Պատրիարքարան եւ հանդիպում ունեցան Ամենապատիւ Պատրիարք Սրբազան Հօր հետ: Հանդիպման աւարտին Պատրիարք Սրբազան Հայրը բոլոր հիւրերուն նուիրեց վերջերս հրատարակուած հրէայ պատմաբան Եսիր Օրոնի հեղինակած Հայոց Յեղասպանութեան նուիրուած գիրքը:

Բշ. 11 Սեպտեմբեր.- Առաւօտեան ժամը 10-ին, Երուսաղէմի Ղպտի եկեղեցւոյ Եպիսկոպոս՝ Գերաշնորհ Ս. Անպա Անտոնիոս այցելեց Հայոց Պատրիարքարան եւ հանդիպում ունեցաւ Ս. Աթոռոյս Գահակալ՝ Ամենապատիւ Ս. Նուրիան Արք. Մանուկեան Պատրիարք Սրբազան Հօր հետ: Հանդիպման ընթացքին Գերաշնորհ Ս. Անպա Անտոնիոս Պատրիարք Սրբազան Հօր նուիրեց Աստուածամօր զեղեցիկ սրբապատկեր մը:

Բշ. 14 Սեպտեմբեր.- Հայաստանէն Արժանապատիւ Ս. Մեսրոպ քահանայ

Արամեան եւ Մոսկուարնակ գործարար եւ բարերար՝ Տիար Ռուբէն Վարդանեան այցելեցին Պատրիարքարան եւ հանդիպում ունեցան Սուրբ Աթոռոյս՝ Ամենապատիւ Պատրիարք Սրբազան Հօր հետ:

Բշ. 18 Սեպտեմբեր.- Հայաստանէն՝ Մասիսի Ս. Գէորգ եկեղեցւոյ հոգեւոր հովիւ՝ Արժանապատիւ Ս. Աշոտ քահանայ Մաֆարեան եւ Արթիկի՝ Լնպատավանքի հոգեւոր հովիւ՝ Արժանապատիւ Ս. Լեւոն քահանայ Յովհաննիսեան 40 հոգինոց ուխտաւորներու խումբով այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը: Խումբին հետ Երուսաղէմ ժամանած էր նաեւ Մխչեանի՝ Ս. Յովհաննէս եկեղեցւոյ հոգեւոր հովիւ՝ Արժանապատիւ Ս. Միքայէլ քահանայ Նուրիանեան:

Ուր. 22 Սեպտեմբեր.- Հայաստանէն՝ Արգաւանդի Ս. Սարգիս եկեղեցւոյ հոգեւոր հովիւ՝ Արժանապատիւ Ս. Գրիգոր քահանայ Յովհաննիսեան ուխտաւորներու խումբով այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Շք. 23 Սեպտեմբեր.- Ամերիկայէն՝ Ֆիլատեֆիոյ Ս. Սահակ եւ Ս. Մեսրոպ եկեղեցւոյ հոգեւոր հովիւ՝ Հոգեշնորհ Ս. Օշական վարդապետ Կիւլիկիւեան, ուխտաւորներու փոքրիկ խումբով այցելեցին Պատրիարքարան եւ հանդիպեցան Ամենապատիւ Պատրիարք Սրբազան Հօր հետ: Նոյն օրը երեկոյեան Մայր Աթոռ Սուրբ Էջմիածնի Դիւանապետ՝ Գերաշնորհ Ս. Արշակ եպիսկոպոս Խաչատրեան, Խաչվերացի տօնին առիթով հիւրաբար ժամանեց Ս. Աթոռ:

24 Սեպտեմբեր.- Երեկոյեան ժամը 7-ին, Նոթր-Տամ պանդոկին մէջ Հայաստանի Հանրապետութեան Պատույ Հիւպատոս Պրն. Յոլակ Մոմնեանի, տօնախմբուեցաւ Հայաստանի Հանրապետութեան անկախութեան 26-ամեակը, որուն ասնակցեցաւ Լուսաւարապետ Սրբազան Հայրը, ընկերակցութեամբ Միաբանութեանս կարգ մը հոգեւոր հայրերու:

Գշ. 26 Սեպտեմբեր.- Պահայիներու համաշխարհային կեդրոնի ներկայացուցիչ

Տիար Դաւիթ Փրիմէն այցելեց Պատրիարքարան եւ հանդիպում ունեցաւ Ամենապատիւ Պատրիարք Սրբազան Հօր հետ:

Դժ. 27 Սեպտեմբեր.- Ամերիկայէն Ս. Ուիստիս միաբաններէն Հոգեշնորհ Տ. Գրիգոր Ծ. Վրդ. Մագուտեան ժամանեց Ս. Աթոռ:

Բժ. 16 Հոկտեմբեր.- Հայաստանէն՝ Արարատեան Հայրապետական Թեմի Առաջնորդանիստ Ս. Սարգիս եկեղեցւոյ ծիսակատար քահանաներէն՝ Արժանապատիւ Տ. Եսայի Քահանայ Արթնեան, ուխտաւորներու խումբով այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Նոյն օրը երեկոյեան ժամը 4-ին, Շուէտական եկեղեցւոյ խորհուրդի անդամներ այցելեցին Պատրիարքարան եւ հանդիպում ունեցան Ամենապատիւ Պատրիարք Սրբազան Հօր հետ:

Ծբ. 21 Հոկտեմբեր.- Երեկոյեան ժամը 7-ին, Երուսաղէմի Հայ Երիտասարդաց Միութեան վարչութիւնը եւ Երիտասարդուիեաց յանձնախումբը իր անդամանդամուհիներով այցելեցին Պատրիարքարան եւ ստացան Ս. Աթոռոյս Գահակալ՝ Ամենապատիւ Պատրիարք Սրբազան Հօր օրհնութիւնը:

Բժ. 30 Հոկտեմբեր.- Սուրբ Փրկչի մատրան բարերարներ՝ Տիարք Նարեկ Պատիրեան, Լեւոն Գէորգեան, Տիգրան Գրիգորեան, Արտակ Մելքոնեան, Սարգիս Խաչատրեան, Արման Յարեան, Արսէն Աթաջանեան Սուրբ Փրկչի վանքի Տեսուչ՝ Հոգեշնորհ Տ. Ծնորիք Աբեղայ Պալոյեանի եւ Հոգեշնորհ Տ. Էմմանուէլ Վարդապետ Աթաջանեանի ուղեկցութեամբ այցելեցին Պատրիարքարան եւ հանդիպում ունեցան Սուրբ Աթոռոյս Գահակալ՝ Ամենապատիւ Պատրիարք Սրբազան Հօր հետ:

Ծբ. 4 Նոյեմբեր.- Հրեայ գրող, հրապարակախօս, «Արարատցիները» գիրքի հեղինակ՝ Տիկին Օրա Ախիմէի, ընկերակցութեամբ՝ Դոկտ. Ալիւայի, փոքրիկ խումբով այցելեցին Պատրիարքարան եւ հանդիպում ունեցան Սուրբ Աթոռոյս Գահակալ՝ Ամենապատիւ Պատրիարք Սրբազան Հօր հետ:

Հանդիպումէն ետք Ժառանգաւորաց Վարժարանի սրահին մէջ տեղի ունեցաւ Հայոց Յեղասպանութեան 102-րդ ամեակին առիթով տպագրուած Օրա Ախիմէիի հեղինակած «Արարատցիները» գրքի մասին սեմինար:

Նոյն օրը երեկոյեան ժամը 7:30-ին Ժառանգաւորաց Վարժարանի մեծ սրահին մէջ տեղի ունեցաւ Փրանսայէն ժամանած հայկական նուագարաններու «Սպիտակ» խումբին համերգը, որու ընթացքին ներկայացուեցան հայկական ժողովրդական, աշուղական ու գուսանական երգեր: Երեկոն իր լրումին հասաւ Սուրբ Աթոռոյս Լուսարարապետ՝ Գերաշնորհ Տ. Սեւան Արք. Ղարիպեանի փակման եւ օրհնութեան իօսքով:

Բժ. 6 Նոյեմբեր.- Առաւօտեան ժամը 10:30-ին, Ամենապատիւ Պատրիարք Սրբազան Հայրը ընդունեց աշխարհի ամենէն մեծ հայ գրականութեան պահոցի՝ Հայաստանի Ազգային Գրադարանի տնօրէն՝ Տիար Տիգրան Չարգարեանը:

Բժ. 13 Նոյեմբեր.- Առաւօտեան ժամը 10-ին, Պատրիարքարան այցելեցին եւ Ամենապատիւ Պատրիարք Սրբազան Հօր հետ հանդիպում ունեցան Հայաստանէն՝ Տաւուշի Թեմի փոխառաջնորդ՝ Հոգեշնորհ Տ. Սամուէլ Վարդապետ Մխիթարեան, Սենթ Փեթերսպուրկէն՝ Ս. Յարութիւն եկեղեցւոյ հոգեւոր հովիւ՝ Արժանապատիւ Տ. Եփրեմ Քահանայ Չարգարեան, Կալինինկրատէն՝ Ս. Ստեփանոս եկեղեցւոյ հոգեւոր հովիւ՝ Արժանապատիւ Տ. Թորոս Քահանայ Եսայեան եւ սրբանկարիչ՝ Տիար Արտեմ Մելքոնեան:

Նոյն օրը ժամը 11:30-ին, Հայաստանէն Երուսաղէմ ժամանած ուխտաւորներ, առաջնորդութեամբ Կոնդի Ս. Յովհաննէս եկեղեցւոյ հոգեւոր հովիւ՝ Արժանապատիւ Տ. Դանիէլ Քահանայ Բաղումեանի եւ ընկերակցութեամբ՝ Մովսէս գիւղի Ս. Աստուածածին եկեղեցւոյ հոգեւոր հովիւ՝ Արժանապատիւ Տ. Աբէլ Քահանայ Քարտաշեանի այցելեցին Պատրիարքարան եւ ստացան Ամենապատիւ Պատրիարք Սրբազան Հօր օրհնութիւնը:

Նոյն օրը երեկոյեան ժամը 4-ին, Ամենապատիւ Պատրիարք Սրբազան Հայրը ընկերակցութեամբ գաւազանակիր՝ Տ. Ներսէսի Աբեղայ Արղեանի այցելեց Պատրիարքութեան Սայր Դիւան: Այցի ընթացքին Սայր Դիւանի տնօրէն՝ Պրն. Արշակ Բանուչեան, թարգմանիչ՝ Մուհամմատ Մաֆատի եւ քարտուղար՝ Սերեոժա Սարկաւազ Պետրոսեան Պատրիարք Սրբազան Հօր ներկայացուցին հին վկայագրերու թուայնացման ընթացքի, ընթացիկ աշխատանքներու եւ ապագային իրագործելի ծրագիրներու մասին:

Գ2. 15 Նոյեմբեր.- Առաւօտեան ժամը 10-ին Պատրիարքարան այցելեց եւ Ամենապատիւ Պատրիարք Սրբազան Հօր հետ հանդիպում ունեցաւ Սուրբ Երկրի Համապարանի Դոկտ. Ստեֆըն Փըֆան: Հանդիպման ընթացքին Տօք. Փըֆան Պատրիարք Սրբազան Հօր նուիրեց «The Nazareth Jesus Knew» գիրքը:

Ե2. 16 Նոյեմբեր.- Կեսօրէ ետք ժամը 3-ին, Սուրբ Աթոռոյս Գահակալ Ամենապատիւ Պատրիարք Սրբազան Հայր ընդունեց Երուսաղէմի Հին քաղաքի նախկին նստիկանապետ Տիար Ալի Ռոֆին:

Ուր. 17 Նոյեմբեր.- Առաւօտեան ժամը 11-ին, Փրանսայի Թեմի առաջնորդ՝ Գե-րաշնորի Տ. Վահան Եպիսկոպոս Յովհաննիսեան, ուխտաւորներու խումբով այցելեցին Պատրիարքարան եւ ստացան Պատրիարք Սրբազան Հօր օրհնութիւնը:

Գ2. 21 Նոյեմբեր.- Երեկոյեան ժամը 4-ին, Հայաստանէն Արժանապատիւ Տ. Ժիրայր Քահանայ Խաչատրեան, ընկերակցութեամբ Արժանապատիւ Տ. Սմբատ Քահանայ Սարգսեանի, ուխտաւորներու խումբով այցելեցին Պատրիարքարան եւ ստացան Պատրիարք Սրբազան Հօր օրհնութիւնը:

Ե2. 23 Նոյեմբեր.- Ժառանգաւորաց Վարժարանի Տեսուչ՝ Հոգեշնորի Տ. Կորին Վրդ. Բաղդասարեան Հայաստանէն ժամանած նոր աշակերտներու հետ միասին այցելեցին Պատրիարքարան եւ ստացան Պատրիարք Սրբազան Հօր օրհնութիւնը: 14 աշակերտներէն 3-ը համշէնահայեր են, 11-ը Հայաստանէն:

**Պատրաստեց՝
ՆԵՐՍԵՔ ԱԲԵՂԱՅ ԱԼՈՅԵԱՆ**

ԵՂԻՎԱՐԴԻ ԽՈՒՆԵՐԷՆ

Ծանծաղամտութիւն է պատճառաբանել թէ դարուն ոգին եւ ըմբռնումները շատ մը բաներու կարգին վտանգած են նաեւ կրօնական ըմբռնումներու եւ աւանդութեանց շէնքը: Ճիշդ է թէ աշխարհ կ'ապրի շրջան մը, որ շատ նման է հին աշխարհի վախճանին, թէ շատ բան ջնջուած ու փոխուած է միտքերէն, թէ շատ յոյսեր խորտակուեցան ներկայ մարդկութեան, զորս ան սնոյց իր սկզբնական օրերուն: Լայն խրամատներ բացուած են կեանքի եւ անոր նշանակութեան միջեւ: Սակայն ինչպէս բնութիւնը, նոյնպէս կեանքը կը հպատակի, հայթայթելով եւ ապահովելով յաջորդականութիւն մը ժամանակներու, եւ փոխ-յարաբերութիւն մը զանազան կերպի մշակոյթներու եւ հայեցողութեանց: Ինչպէս կան լուսաւոր եւ խաւար շրջաններ, նոյնպէս իրար կը յաջորդեն կեանքի սրբազան ու աշխարհիկ երեսներ: Ոմանց համար այս վիճակները յեղափոխիչ՝ եւ ուրիշներու համար հակազդեցութիւններ կը թուին, իրողութիւն է որ անոնք սերտօրէն կապուած են իրարու, պէտք չէ սարսափիլ անոնց իրերայաջորդ նկարագրէն:

«Ազգային եւ եկեղեցական անդրադարձումներ» Երուսաղէմ 2017